

to'usni nomo mongsi ci oko

pano mosonanala 'enepio ci haahocngũ no cou, moso nana seolũa no yono aemana no emoo, ci moson'a cmũ'ho ho moso e'ohũ eya fou, mo nana suteuyunu ho ake'i sangeau, mio asonũ ake'i mayo, cino na'no kokaekaebũ ho micu maine'e.

ine mio cimo saipa 'aoko mongsi na oko, ho o'te tmalũ ho isi ao'pova no inosi, isi hafa emoyafo no inosi, ho teongasi no coca, ake'i aomane osni tosvo mukeici, 'iyama isi nana aiti namo yac'ũ no fatu, cimo yono omia ho m'ocu ci o'a isi hongã ci cou, 'osnia eũsvũta no inosi, eyaakaka no inosi na oko, ho poa eũsvũtneni nomo no'ayumonũ ci haah'o na isi aiti ci cou, ihec'o at'ingha cocvi ho yainca, “ 'a asonũ kuhkunut'ee cimo eya f'ue ho ana. ha. ha. ha. ” uk'a cimo tmaakoknuyu to e'e to oko.

micu yofna, mio nana i'vaho 'aoko mongsi na oko, isi nana i'vaha hafa no inosi ho uhno coca, ho micu uhno coca micu 'osni tosvo mongsi na oko, siho isi hafa yumeumũ no

emoo, tec'o 'osni mongsi, ohsi moezacu hafa no inosi ho emoyafo ho totoefungu.

o'a ihe cohivi nomo no'ayumonu ci haahocngu, ho panto tee uso ho pohcinghi ci hangu, ihe'so o'te taa'uiva 'o e'e to oko, micu nana acuhu hafsu, hocuc'o mohcungeu no aukukuyungu no pupuzu, at'inghi maayaenou na mon'a ma'tatus'u ho yainca, " te'o otueva ta pngiei, tahe ko'ko s'epici no hangu. " hocu maita'e acuhu oengutu.

monana a'umtu esmi ho emososonu yumeutu namo esmi ci hangu, ho ala nia'te pohcucuha na moso yu'mamoyomo ho mohcungeu ci haahocngu, mohcuc'o pio na ohe o'te opcoza, micu nana auski ho kuici 'anana'o, ihe yaeza nia'te pohcucuha namo esmi ci hangu, hocuc'o cihi na ihe o'te opcoza, at'ingha seoe'isi na emucusi, ho skoftunga na maf'uf'usuhe no ihesu opcoza ci hangu, ho pahafneni maine'e to mon'a cihi ci hangu, ho yainca, " honcimula i'vaho mioci pohcinghi, tamiacu ala usa 'o hosamu ho aapayo'a. "

'o moso 'aoko mongsi ci oko, ohsi anana'va hafa to inosi,
e'mamcovhi tees'a asngucū mongsi, hocu noululu totoefungū.
homo esmi 'omo pak'i ci yatatiskova, o'a ihes'a ake'a teolui to
hangū, alu yuesu ho 'aveoveoyū 'o inosi to oko, honci
o'te 'aoko mongsi 'o oko, asonū o'a tes'a
tiv'ov'ohū totoefungū 'e na'ina.

ina mohcuc'o cihī ci ohe seoe'isi ho poa maine'e ci hangū,
petohūyū sūc'ūhū no hosasi, isic'o nana 'inania eepunga na e'esi
mosocu uk'ana nsou. ohsi nana yainca no micu mameoi ci
yuozomūhe. “ 'usi o'ucula eūsvūtamū, teav'ala saicmū'a 'omo
teuteucfunga ci yusno hosa, 'ala anana'o aacni auski pohcinghi
honci usa ho pohcingha. ”

ahoi ho mio, o'ana mosola suyumo tomo yusno hosa no cou na
hangū.

被愛哭的小孩搶救

有群鄒族的男生，因為剛剛去打獵回來，就圍坐在家裡內小喝一下，可能收穫很豐富，大家都好開心。

到了傍晚這一家的小孩突然一直哭泣，媽媽的安慰也不聽，媽媽說：「再哭就去外面了。」小孩還是哭泣，媽媽真的帶他去外面。沒多久小孩不哭了，原來他看到一個不認識的人，站在部落上方的石頭上觀望。馬上告訴媽媽，媽媽牽著小孩的手讓他去告知那群圍坐的人，他們那群人譏笑他說：「阿！可能是兩隻腳的狐狸（小偷）找地瓜來吃，哈。哈。哈。」他們譏笑小孩的話，更沒人相信他說的。

到了晚上，小孩又開始一直哭泣，媽媽又帶他去屋外，一到屋外小孩馬上停止哭泣，要是進到屋內他馬上又大哭，媽媽最後帶他去屋外找地方躲起來。

在裡內圍坐的鄒族男人，沒有警覺到有敵人的偷襲，因為他們不相信小孩的話，也因為他們全都喝醉了，倒臥在火爐周邊取暖，還有點知覺的人開玩笑說：「我用杵當枕頭以方便有人切下戰利品。」大家就不知不覺睡著了。

敵人真的到來就直直進入裡面，差點把醉倒的鄒族男人全殺光，僅剩還有點知覺的幾個人，用盡最大的力量去反擊，結果反敗為勝，敵人只剩一人沒有被殺死，把他雙手綁著，再將已死敵人的頭髮全部剪掉，讓僅剩的一敵人帶回又帶話：「要是你們再偷襲鄒族的部落，我們一定會直接去你們的部落全部把你們消滅掉。」

一直哭泣的小孩，原來媽媽深怕他一直哭泣，就帶他到屋外遠一點的地方好好躲起來，所以兇惡的敵人沒有找到他們，媽媽含淚感恩她的小孩，要是小孩沒有一直哭泣，可能就來不及躲起來而被敵人殺死。

僅剩一人被綁起來後放回的敵人，終於抵達他的部落，勉強說完該說的話就斷了氣，年紀很大的主帥說：「我一直告誡你們，不要靠近河對岸的兩個他族部落，去襲擊他們時，他們絕對會加倍反擊。」

從此以後敵人再也不敢再攻擊那兩個鄒族部落。